

# OPĆENITO O KOMISIJAMA PARLAMENTARNE SKUPŠTINE BiH

Komisije imaju veoma značajnu ulogu i doprinose racionalnijem i efikasnijem radu domova. Dom naroda ima tri stalne komisije, Predstavnički dom sedam stalnih komisija, a oba doma imaju šest zajedničkih stalnih komisija. Komisije su formirane prema oblastima iz nadležnosti Parlamentarne skupštine BiH, tako da njihova organizacija prati odgovarajuću organizacionu strukturu ministarstava u Vijeću ministara BiH.

Na taj način osigurana je neposredna parlamentarna kontrola nad radom ministarstva i provođenjem zakona u oblasti za koju je odgovarajuće ministarstvo nadležno. Sve prijedloge zakona kao i druge akte koje razmatraju domovi prethodno razmatraju nadležne komisije, koje domovima o tome podnose izvještaje i mišljenja o usklađenosti sa Ustavom i pravnim sistemom Bosne i Hercegovine, odnosno o principima predloženog zakona i amandmane na zakone koji se nalaze u proceduri razmatranja i usvajanja. Nadležna komisija razmatra amandmane na prijedlog zakona, a usvojeni amandmani postaju sastavni dio prijedloga zakona koji razmatra dom. Komisije mogu odlučiti da vode javnu raspravu o predloženim zakonima, mogu provoditi saslušanja i zahtijevati izvještaje od bilo kojeg izabranog ili imenovanog zvaničnika, službenika ili institucije.



USTAVNOPRAVNA KOMISIJA

USTAVNOPRAVNA KOMISIJA

DOM NARODA

USTAVNOPRAVNA  
KOMISIJA



PARLAMENTARNA SKUPŠTINA  
BOSNE I HERCEGOVINE

PARLAMENTARNA SKUPŠTINA  
BOSNE I HERCEGOVINE  
Trg BiH 1  
71000 Sarajevo

Sekretar: Zijad Hasić  
Telefon: + 387 33 28 44 05  
Fax: + 387 33 22 68 41  
E-mail: [zijad.hasic@parlament.ba](mailto:zijad.hasic@parlament.ba)  
[upkdn@parlament.ba](mailto:upkdn@parlament.ba)

[www.parlament.ba](http://www.parlament.ba)



PARLAMENTARNA SKUPŠTINA  
BOSNE I HERCEGOVINE

## USTAVNOPRAVNA KOMISIJA

## NADLEŽNOSTI

## ČLANOVI

MANDATNI PERIOD 2010. - 2014.

U skladu s članom 26. Poslovnika Doma naroda Parlamentarne skupštine BiH, Ustavnopravna komisija:

Ustavnopravna komisija jedna je od tri stalne komisije Doma naroda Parlamentarne skupštine BiH. Komisija ima šest članova, srazmjerno klubovima naroda u Domu, od kojih su dvije trećine članova izabrane s teritorije Federacije BiH, a jedna trećina s teritorije Republike Srpske, pri čemu su među njenim članovima zastupljena sva tri konstitutivna naroda u Bosni i Hercegovini. Rukovodstvo Komisije čine predsjedavajući i dva zamjenika.

Razmatrajući sve zakone koji dođu u parlamentarnu proceduru o pitanjima ustavnog osnova i usklađenosti s pravnim sistemom, ova komisija je važan faktor u pripremi materijala za provođenje uspješne zakonodavne procedure pred Domom. Osim toga, Ustavnopravna komisija obavlja određene zadatke i donosi konačne

odluke, o kojima se Dom ne izjašnjava, kao što su dostavljanje mišljenja Ustavnom sudu BiH ili utvrđivanje s odgovarajućom komisijom Predstavničkog doma prečišćenih tekstova zakona.

Svojom transparentnošću u radu, te organizacijom brojnih javnih rasprava, Ustavnopravna komisija učinila je proces odlučivanja o određenim aktuelnim i važnim pitanjima u Parlamentarnoj skupštini BiH dostupnim građanima.

Ustavnopravna komisija je u proteklom periodu bila organizator javnih rasprava o Amandmanu I. na Ustav Bosne i Hercegovine kao i o nekoliko važnih prijedloga zakona, koji su nakon održanih javnih rasprava usvajani u Parlamentarnoj skupštini BiH.

- prati provođenje Ustava Bosne i Hercegovine;
- razmatra pitanja značajna za ustavni porijekal BiH i daje inicijativu za amandmane na Ustav Bosne i Hercegovine;
- ispituje i dostavlja Domu mišljenja o prijedlozima amandmana na Ustav Bosne i Hercegovine;
- kada Dom ocijeni potrebnim, provodi javnu raspravu o prijedlozima amandmana na Ustav Bosne i Hercegovine ili o prijedlogu zakona, te izvještava Dom o rezultatima javne rasprave;
- razmatra prijedloge zakona koje Dom treba usvojiti, u vezi s njihovom usklađenosti sa Ustavom Bosne i Hercegovine i pravnim sistemom, kao i u vezi s pravnom obradom, te Domu podnosi izvještaj s mišljenjem i prijedlozima i pravno-tehničkim ispravkama očitih grešaka u tekstu;
- razmatra pitanja zakonodavne metodologije i druga pitanja značajna za usklađenost pravno-tehničke obrade akata koje Dom treba usvojiti;
- dostavlja mišljenja Ustavnom sudu BiH;
- učestvuje u pripremi programa rada u oblasti zakonodavne aktivnosti Doma;
- utvrđuje, zajedno s odgovarajućom komisijom Predstavničkog doma, prečišćeni tekst zakona i drugih propisa kada i ako ih na to ovlaste oba doma Parlamentarne skupštine BiH;
- razmatra prijedloge za oduzimanje imuniteta i u vezi s tim predlaže odgovarajuće odluke Domu;
- razmatra pitanja koja se odnose na: pravni sistem, izborni sistem, Vijeće ministara BiH, državne praznike, grb, zastavu i državnu himnu BiH, pečat BiH, državnu administraciju, provođenje međunarodnog i domaćeg krivičnog zakonodavstva, te druga pitanja iz djelokruga Doma koja nisu u djelokrugu drugih komisija.

Uloga i položaj Ustavnopravne komisije normirani su i drugim odredbama Poslovnika, posebno faze i aktivnosti koje se tiču zakonodavnog postupka, autentičnih tumačenja i drugih nadležnosti.



**Krstan Simić**  
predsjedavajući



**Sulejman Tihic**  
prvi zamjenik  
predsjedavajućeg



**Borjana Krišto**  
druga zamjenica  
predsjedavajućeg



**Halid Genjac**



**Martin Raguz**



**Dragutin Rodic**